

## Falece aos 88 anos a escritora galega María do Carme Kruckenberg

Deixa unha extensa obra como legado, na que a poesía sempre tivo un especial protagonismo

Redacción | A Coruña | 17.05.2015 | 01:15

María do Carme Kruckenberg Sanjurjo faleceu onte en Vigo aos 88 anos. A prolífica escritora galega, que arrastraba unha longa enfermidade, dixo adeus na cidade que a viu nacer e na que desenvolveu gran parte da súa extensa obra, que conta con decenas de títulos, tanto en galego como en castelán, e na que a poesía tivo sempre un lugar predominante.

Autora igualmente de diversos textos narrativos, traducións e obras colectivas, Kruckenberg deixa un inmenso legado literario que lle fixo valedora de multitude de distincións públicas. Ademais de ser recoñecida coa Medalla de Galicia e coa Medalla Castelao, recibiu o premio Laxeiro en 2011 e foi nomeada socia de honra da Asociación de Escritores en Lingua Galega, entidade da que foi vicepresidenta.

### Obra intimista

Integrante da chamada Promoción de Enlace, Kruckenberg Sanjurjo está considerada como unha das máis destacadas escritoras galegas de posguerra. A súa obra caracterízase polo intimismo e pola súa inclinación cara ao popular. Empezou a compoñer versos aos 14 anos e pronto se sentiu atraída por Antonio Machado, Rilke, Baudelaire ou Rosalía de Castro.



María do Carme Kruckenberg.

En 2011 presentouse a súa biografía, *Vivir, unha aventura irrepitíbel*.

Os restos mortais da escritora galega foron trasladados ao tanatorio de Pereiró, en Vigo, onde terá lugar o seu enterro. Recibirá sepultura ao longo do día de hoxe.

Compartir en Facebook